

# EVASELIO A MATEO

## Sakoga o Sesu ia Salomone mo Sosefo

**1** <sup>1</sup> Ko le sakoga o Sesu-Kilisito, vosa o Tavite, vosa o Apalaamo.

<sup>2</sup> Ko Apalaamo na tupu ai Isaake; ko Isaake na tupu ai Sakopo; ko Sakopo na tupu ai Suta mo ona fetaina; <sup>3</sup> ko Suta na tupu ai Pelesi mo Sala kia Tamale;

ko Pelesi na tupu ai Eselome; ko Eselome na tupu ai Alame;

<sup>4</sup> ko Alame na tupu ai Aminatape; ko Aminatape na tupu ai Naasone;

ko Naasone na tupu ai Salamone; <sup>5</sup> ko Salamone na tupu ai Poase kia Laape; ko Poase na tupu ai Opeto kia Lute\*;

<sup>6</sup> ko Opeto na tupu ai Isaia; ko Isaia na tupu ai Tavite.

Ko le sau ko Tavite na tupu ai Salomone ki le avaga o Ulio;

<sup>7</sup> ko Salomone na tupu ai Lopoamo; ko Lopoamo na tupu ai Apisa;

ko Apisa na tupu ai Asa; <sup>8</sup> ko Asa na tupu ai Sosafate;

ko Sosafate na tupu ai Solame; ko Solame na tupu ai Osiasi;

<sup>9</sup> ko Osiasi na tupu ai Soatame; ko Soatame na tupu ai Akase;

ko Akase na tupu ai Esekiasi; <sup>10</sup> ko Esekiasi na tupu ai Manase;

ko Manase na tupu ai Amone; ko Amone na tupu ai Sosiasi;

<sup>11</sup> ko Sosiasi na tupu ai Sekoniasi mo ona fetaina,

i le temi o le ave fakapopula ki Papolone.

<sup>12</sup> I le oki o le popula i Papolone, ko Sekoniasi na tupu ai Salatiele;

ko Salatiele na tupu ai Solopapele; <sup>13</sup> ko Solopapele na tupu ai Apiuti;

ko Apiuti na tupu ai Eliakimi; ko Eliakimi na tupu ai Asole;

<sup>14</sup> ko Asole na tupu ai Satoke; ko Satoke na tupu ai Akimi;

ko Akimi na tupu ai Eliuti; <sup>15</sup> ko Eliuti na tupu ai Eleasale;

ko Eleasale na tupu ai Matane; ko Matane na tupu ai Sakopo;

<sup>16</sup> ko Sakopo na tupu ai Sosefo, avaga o Malia, leia na fanaui ia Sesu, leia na igoa ko Kilisito.

<sup>17</sup> Na fakatasi fuli loa ko le kau agafulu tupu fa tautupu meia Apalaamo o kaku mai kia Tavite, ti mo le kau agafulu tupu fa tautupu meia Tavite o kaku mai ki le popula i Papolone, ti mo le kau agafulu tupu fa tautupu mei le ave popula ki Papolone o kaku mai kia Kilisito.

## Tupu fakamilakulo o Sesu-Kilisito

<sup>18</sup> Ko leinei loa le anoaga o le tupu o Sesu-Kilisito:

Ko Malia, lona tinana, na fakatasi mo Sosefo, ti e i mua o lala nonofo fakatasi, na tinae a ia i le Laumalie Maokioki.

<sup>19</sup> Ko Sosefo, lona avaga, ko se tagata malie mo agatonu, ti na leaise fia fakamatagafua e ia a Malia, koia na fakatotonu ai loa e ia ke veteki fakafufu lala fakatasi.

<sup>20</sup> Na lolotoga fakakaukau a ia ki le nea lena, ti na fokifa kua sa se aselo o le Aliko kiate ia i se moe miti, o pati:

Sosefo, vosa o Tavite, aua na ke i i le too o Malia lau avaga, talie ko le toe leia e tinae ai e au mei le Laumalie Maokioki.

<sup>21</sup> E fanaui loa e ia se tama, e ke soli loa kiate ia le igoa ko Sesu, talie ko ia loa leia ka saofaki ia loa lona kakai mei alatou agasala.

<sup>22</sup> Na soko a nea fuli ana ke fakasoko ai le nea leia na fakasa e le Aliko i le polo-feta:

<sup>23</sup> *Ko leinei, e tinae loa le taupoou, e fanaui loa e ia se vosa,*

*ti e soli loa kiate ia le igoa ko Emanuele,*

ko lona uiga ko le Atua mo tatou.

<sup>24</sup> I lana ala ake, na fai loa e Sosefo le nea leia na fakatotonu ake kiate ia e le aselo o le Aliko, ti na too loa e ia lona avaga mo ia.

<sup>25</sup> Kae na leaise iloa e Sosefo a Malia o kaku ki le fanaui e Malia se tama, leia na tuku ki ai e Sosefo le igoa ko Sesu.

## Le kau masi

**2** <sup>1</sup> Na tupu Sesu i Peteleemi i Sutea, i le temi o le sau ko Elote, ti na kaku mai se kau masi mei Olieto ki Selusalemi,